

## 2 Zaa

### Mbede ndeke di sidike ka Zaa daa

*Bay ka se tul feri ka do bil mbede ni key*

Mbede key na Zaa daa ha «má y ka Ngerewuru naa ni do bod bá y vi-eri.» Bayke hii bá a mii, má y na ba nzo mbika lawri ka i mbu tul ki zad mbiw, a vi-eri laa le, ba nzaa waw sùori ka bod bod. Zaa na hii bay ha ha nzo mbika lawri hii ki ba lie ba lew, a i ru-ruy ban guo zin nzo ula nzo bri ka i ya za zad kpol kpol bay fe fere bari ka do bay za de ya se tul Krisi na.

*Maa bayri ka do bil-e*

Hii ki ba fe ka ndad bamba: 1.1-6

Baka bay ka se tul fe fere nzo ula nzo bri: 1.7-

11

Jro bie bay: 1.12-13

*Soko ka Zaa hii ha nzo mbika lawri*

<sup>1</sup> Bi ka mi ba nger e tul ped ka tul nzo mbika lawri ka i mbu tul ki na, mi daa mbede key ha má y ka Ngerewuru naa ni do bod bá y vi-eri, bari ka mi ko ri ba nzo nun-i\*. Ba bi hu-o-i hoy ze, mi ko ri ba nzo nun-i ya, roo le, ba bari riw bele

---

\* **1:1** 1.1 Nzo nday bay haneri i ker i baa mii, nger e tul ped daa mbede key na ha má y ka riñ-e ba Kiriya bay vi-eri. A nzo haneri laa le, i ker i baa mii, má y key na suo bol mbu ki nzo mbika lawri, a vi-eri laa le, ba nzo mbika lawri.

ká i tuu tusue bay tuu na, <sup>2</sup> bay ji le, tusue bay na daa puo ká bil law naari, a sad zinj naari banɔo. <sup>3</sup> Ndad bay haɲa law huoke ndaw, kóko nun sie nzob ndaw, roo dekeke taa Baa Ngerewuru bay Vi-e Zezu \*Krisi na, ka sad zinj naari, bay haɲa náa dokeri bil tusue bay bay law ini.

### *I ko ki ba nzob nun ki*

<sup>4</sup> Mi do bay bawda suoriya, bay ji le, mi zinj vu-o haneri ká i se simsed ká maa bay tusue bay munu ká Baa mbi nzi-e ká di na. <sup>5</sup> A timbede key na, tina kere, mi kod mu, náa hiiri ki ba lie ba lew. Bay ni ká mi daa do mbede key na, ba \*bol kusol fie ya, roo le, ba bol kusol ká náa yaari bayke bay nam ká náa mbikeri law naari hoy. <sup>6</sup> I ko, hii Ngerewuru na ba daa vu mbom bo tul bol kusol-eri. A bol kusol ká i laa bayke bay nam ká i mbike law-ri hoy na, be ze do key: ndad bay haɲa ri do bil law ini banɔo.

### *Doko tul sùo bay*

<sup>7</sup> Nzob úla nzobri ngji bamba i yaa zad kpol kpol ká tusiri key. Bay ká mii, Zezu \*Krisi ví yaa sùo zinj nzob na, i hii bay yaana ya. Nzob ká daa fe mini key na, ka ba nzob úla nzob, a ba nzob tul ngani Krisi. <sup>8</sup> I nze bay sùo-ri ki ndaw ro, bay haɲa bo ped ká i daa na, ka bie gor hoy ya, roo le, i yaa fe tunduo ped baari na bay zadε ngid bele. <sup>9</sup> I ko, nzob ká do tul bay ká i fere ri se tul Krisi ya, roo a se bay taa be bod na, ka zuo zinj Ngerewuru ya. A nzob ká do tul bayke na ku laa le, ka zuo zinj Baa ndaw, Vi-e ndaw pi. <sup>10</sup> Be mini ze, zadka nzob se luo-ri, roo a fereri bay ki

bodf ɛ, ì mgba ni ɓa sùo-rĩ ya, a í hii soko kara ha ni ya ndaw, <sup>11</sup> bay ʒi ɛ, nzoɓ ká ɓaa bay ha k̄iri nzoɓ ká mini na mii: «Mu vi ɓáy kere» na†, ɓe hoy kara, ka ɗo ɓil fe ɗáa kaaya nzoɓke na ndaw.

*Wáa bay kóm ɓáy soko ɓe*

<sup>12</sup> Mĩ ɗo ɓáy ferì ɳgi-ɳgii bay ɓáa ha rĩ, roo ɛ, mĩ hii bay vbíe ɓáy nduo-i hoy ɗo mbeɗe ha rĩ ya. Mĩ hii bay séke luo-rĩ sùo-i bay haɳa náa ɓaari bay ká nun k̄i. Be ndaw roo, suoriya a mbáa ɓil law naari na gbay gbay ɓáy.

<sup>13</sup> Vu tinaɳ-ari‡, ɓari ká Ngerewuru nan ri ɗo bodf ndaw na, i pie ɓáy soko ha mù.

---

† **1:11** 1.11 Ká zad ni key na ɓaa bay se tul soko k̄i hoy ya, roo ɛ, ɓa yaɳa nzoɓ ká mu ko ni taɳ ya, mú poɳ faa ha ni fere nzoɓri fe ká zad mbú k̄i. ‡ **1:13** 1.13 Nzoɓ ndáy bay haɳeri i ker í ɓaa mii, «vu tinaɳ-ari» ɓa nzoɓ mbika lawri ká Zaa kaw ʒiɳ ri.

**Mbede sáka kuni fie**  
**New Testament in Kuo**

copyright © 2013 Wycliffe Bible Translators, Inc.

Language: (Kuo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 22 Feb 2024 from source  
files dated 29 Jan 2022

1bae8b8b-6141-55e9-b352-adf7a01da5f4